

庶物類纂

草屬
自四十五至四十六




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak







卷耳
雀舌草
翦刀股
積雪草
連錢草



庶

物類纂草屬卷之四十五目次

蛇含

蛇莓

鼠麴草

連錢草

雀舌草

翦刀股

蛇含

一名威蛇嘉祐補註本草一名小龍牙斗門方一名女青本草一名蛇瘳草船窗夜話一名蛇夢草名醫類案蒙筌

蛇含

蛇含陶隱居云卽是蛇銜蛇銜有兩種並生石上當用細葉黃花者處處有之亦生黃土地不必皆生石上也唐本注云合字乃是含字陶見誤本宜改爲含舍銜義同見古本草也今按陳藏器本草云蛇含主蛇咬種之亦令無蛇今以草內蛇口中縱傷人亦不能有毒矣臣禹錫等謹按蜀本圖經云生石上及下溼地花黃白人家亦種之五月採苗生用藥性論云蛇銜臣有毒能治丹癆治小兒寒熱日華子云蛇含

能治蛇蟲蜂虺所傷及眼赤止血 風癬癰腫莖葉

俱用又名威蛇嘉祐補注本草

蛇含生益州山谷今近處亦有之生土石上或下溼地蜀中人家亦種之一莖五葉或七葉此有兩種當用細葉黃色花者爲佳八月採根陰乾古今錄驗方治赤癆用蛇銜草擣令極爛傅之差赤癆者由冷溼搏於肌中甚卽爲熱乃成赤癆得火熱則劇冷則減是也古今諸丹毒瘡腫方通用之又下有女青條云蛇銜根也生朱崖陶隱居蘇恭皆以爲若是蛇銜根

不應獨生朱崖或云是雀瓢卽蘿摩之別名或云二物同名以相類故也醫家鮮用亦稀識別故但附著於此本草圖經

斗門方治產後鴻痢用小龍牙根一握濃煎服之甚效蛇含是也宋唐慎微證類本草

蛇含石土上生遠近處咸有一莖五葉七葉兩種略殊當用細葉黃花此品纔妙其根收取乃名女青明陳嘉謨

蛇含按劉敬叔異苑云有田父見一蛇被傷一蛇銜本草蒙筌

一草著瘡上經日傷蛇乃去田父因取草治蛇瘡皆驗遂名曰蛇銜草也其葉似龍牙而小背紫色故俗名小龍牙又名紫背龍牙蘇頌圖經重出紫背龍牙今併爲一本明李東壁草綱目

謹按紫背龍牙別是一種併之爲一誤也

蛇含此二種細葉者名蛇銜大葉者名龍銜亦入瘡膏用同

昔有田父耕地值見傷蛇在焉有一蛇銜草著瘡上經日傷蛇走田父取其草餘葉以治瘡皆驗本不知

草名因以蛇銜爲名抱朴子云蛇銜能續已斷之指如故是也宋劉敬叔異苑

本草王不雷行乃翦金花其性熱貼瘡瘍以潰膿甚有神効俗謂之金剪刀草余鄰人汪庵一日爲沸湯澆爛膚肉其痛甚殷偶一賣油魏生至亟拾草作藥爛塗傳之痛卽定詰之知其爲蛇瘳草須五葉者爲佳此草春而結實如圓鈎者俗傳食之能殺人謬云要死食蛇毒蓋常詢之耆舊言此物不致殺人但能發冷疾耳宋顧文薦船窗夜話

謹按蛇毒當作蛇莓。蛇莓莖端三葉黃花赤子形如楊梅。蛇含一莖五七葉花黃而子不赤。此謂蛇瘳草須五葉者爲佳。乃是蛇含而非蛇莓也。以二草相類而易混也。又按百一選方云治湯火瘡雖膿水出皮肉潰爛者不過傳兩三次卽安。蛇莓本草右爛擣傅之以差爲度錢文子佃客因遺漏燒灼遍身皆潰偶一道人傳此用之卽安更無瘢痕。本草不言治湯火傷據此則蛇莓有治湯火傷之能抑亦莓字乃是瘳字耶。

潘養源曾傳一單方治癰瘡殊驗。取兔耳草不拘多少擣取汁一碗對頭生酒一碗露宿熱服熱水洗浴透絮被罨取汗透次取蛇夢草六瓣者搓二丸塞鼻孔另搓一大丸不住手搓待倦臥去拔去鼻中塞藥不過二三次全愈明江瓘名醫類案

蛇含外紀一莖五葉或七葉用七葉黃花者佳治蛇傷赤眼風腫諸症瓊州府志

治毒蛇咬五葉草一味擣碎取汁調酒服之。渣貼瘡上此草白梗無毛頂上五葉相攢生三月間開黃花

有藤每節生根者高五六寸又有二種相似一
三葉一梗無毛開紅花者非清王肖乾行箋驗方

蛇莓

一名雞冠果救荒本草一名野楊梅同上一名蛇藨本草綱目
一名地莓同上一名蠶莓同上一名茶莓證治準繩
一名蛇蘿草王儀部 紫譜一名蛇夢草物理小識

俗名忽地柰黃異地哥

蛇莓

蛇莓音每陶隱居云園野亦多子赤色極似莓而不堪
取人亦無服此爲藥者療溪毒射工傷寒大熱甚良
臣禹錫等謹按蜀本圖經云生下溼處莖端三葉花
黃子赤若覆盆子根似敗醬二月八月採根四月五月
收子所在有之嘉祐補注本草

蛇莓今田野道傍處處有之附地生葉如覆盆子但
光潔而小微有縞紋花黃比葵蕓花差大春末夏初
結紅子如荔枝色餘如經宋寇宗奭本草衍義

蛇莓此物就地引細蔓節節生根每枝三葉葉有齒
刻四五五月開小黃花五出結實鮮紅狀似覆盆而面
與蒂則不同也其根甚細本草用汗當是取其莖葉
并根也仇遠稗史訛作蛇繆草言有五葉七葉者又
言俗傳食之能殺人亦不然止發冷涎耳明李東壁
本草綱目

雞冠果一名野楊梅生密縣山谷中苗高五七寸葉
似澱盤葉而小又似雞兒頭葉微圓開五瓣黃花結
實似紅小楊梅狀味甜酸救飢採取其果紅熟者食
之明徐光啓

農政全書

蛇犬傷用蛇齧草子如小楊梅者連草葉擣汁半碗
入雄黃末二錢調勻灌下其痛即止此草最能解毒

明王儀部
先生箋釋

治湯火瘡雖膿水出皮肉潰爛者不過兩三次卽
安蛇莓本草音繆右爛擣傅之以差爲度錢文子佃客因
遺漏燒灼遍身皆潰偶一道人傳此用之既安更無
瘢痕本草不言治湯火傷宋王璆百
一選方

余鄰人汪庵一日爲沸湯燙爛脣肉其痛甚殷偶一
賣油魏生至亟拾草作藥爛塗傅之痛即定詰之知

其爲蛇瘳草須五葉者爲佳此草春而結實如圓鉤者俗傳食之能殺人謬云要死食蛇莓蓋常詢之者舊言此物不致殺人但能發冷疾耳

宋顧之薦
船窓夜話

謹按蛇莓與蛇含絕相似但蛇含五葉而不實亦

爲不同也所云須五葉者爲佳則是蛇含草也

治噤風食療茶莓研汁灌口中死亦生生下溼莖端

三葉花黃子赤似覆盆子

明王守仁
幼科準繩

陳子升言蛇蔓子治發背園地有之蔓生小草每枝三葉葉前如鋸齒以肉汁拌之敷一切癰疽亦可服

鼠麴草

一名香茅

嘉祐補註本草

一名鼠耳草

同上

一名米麴

本草綱目

一名草母

同上

一名佛耳草

同上

一名毛耳

本草綱目

一名黃蒿

同上

一名無心草

廣雅

一名蚍蜉

酒草酉陽

一名毛女兒菜

農政全書

一名岩蕊頭

酒草酉陽

一名暑菊

八閩通志

一名水菊

邵武府志

一名綿絮頭

要訣醫學

俗名白白哥忽索山城又名秃烏哥伊勢又
名施搖烏魯胡福紫州筑前

州筑前

鼠麴草

鼠麴草味甘平無毒調中益氣止洩除痰壓時氣去
熱敷雜米粉作糗食之甜美生平岡熟地高尺餘葉
有白毛黃花荆楚歲時記云三月三日取鼠麴汁蜜
和爲粉謂之龍舌粧以壓時氣山南人呼爲香茅取
花雜櫟皮染褐至破猶鮮江西人呼爲鼠耳草新補
藏器日華子○

嘉祐補注本草

鼠麴草麴言其黃如麴色又可和米粉食也鼠耳言
其葉形如鼠耳又有白毛蒙茸似之故北人呼爲茸

藏器日華子○

母佛耳則鼠耳之訛也今淮人呼爲毛耳朵則香茅之茅似當作毛按段成式雜俎云蛻蛻酒草鼠耳也一名無心草豈蛻蛻食之故有是名耶明李東壁本草綱目日華本草鼠麴卽別錄鼠耳也唐宋諸家不知乃退鼠耳入有名未用中李杲藥類法象用佛耳草亦不知其卽鼠耳也原野間甚多二月生苗莖葉柔軟葉長寸許白茸如鼠耳之毛開小黃花成穗結細子楚人呼爲米麴北人呼爲茸母故邵桂子甕天語云北方寒食采茸母草和粉食宋徽宗詩茸母初生認禁

煙者是也

同上

毛女兒菜生南陽府馬鞍山中苗高一尺許葉似綿系菜葉而微尖又似兔兒尾葉而小莖葉皆有白毛梢間開淡黃花如大黍粒數十顆攢成一穗味甘酸救飢採苗葉燂熟水浸淘淨油鹽調食或拌米麴蒸食亦可明徐光啓農政全書

無心鼠耳也

廣雅

蛻蛻酒草一曰鼠耳象形也亦曰無心草唐段成式酉陽雜俎廣志曰鼠耳葉如耳縹色也太平御覽

馬物類纂

卷四十五

巖蕊頭一名佛耳草明吳從先王
緣督廣清紀

鼠麴生平岡熟地葉有白毛黃花雜米粉作糗食之

甜美八閩通志

鼠麴艾軒集謂之暑菊同上

鼠麴草俗呼水菊艾軒集作暑菊江西人呼爲鼠耳草生田野間葉有白毛開細黃花本草謂味甘平無毒調中益氣止洩除痰去熱敷與米粉同擣作糗蒸熟食之以壓時氣邵武府志

鼠麴生平岡熟地葉有白毛黃花可雜米粉作糗食上

汀州府誌

鼠麴生野田葉蒼白色三月間採之七邑俱有泉州府志
蓬土入于三月三日取以煎糕見風俗節物所尚條

萬曆杭
州府志

鼠麴陳藏器曰生平岡熟地葉有白毛黃花雜米粉作糗食之甜美荆楚歲時記云三月三日取鼠麴汁蜜和爲粉謂之龍舌糲以壓時氣海澄縣志

鼠麴生平岡熟地葉有白毛黃花可雜米粉作糗食之閩書

無物類纂

卷四十五

草屬

鼠麴草

四

鼠耳一名綿絮頭甘平主調中益氣止嗽除痰治寒
痺寒熱清張志聰醫學要訣

連錢草

一名海蘇本草圖經一名胡薄荷同上一名新羅荳
蘭同上一名地錢本草綱目一名金錢薄荷本草一
名暹羅荳蘭本草單方

俗名革已禿和施山城又名革異捏打華賴、
陸奥又名革異立白柰同上又名革異捏忽
州索优渡

連錢草

積雪草生荊州川谷今處處有之葉圓如錢大莖細而勁蔓延生溪澗之側荆楚人以葉如錢謂爲地錢草徐儀藥圖名連錢草八月九月採苗葉陰乾用段成式酉陽雜俎云地錢葉圓莖細有蔓一日積雪草一日連錢草謹按天寶單行方云連錢草味甘平無毒元生咸陽下溼地亦生臨淄郡濟陽郡池澤中甚香俗間或云圓葉似薄荷江東吳越丹陽郡極多彼人常充生菜食之河北柳城郡盡呼爲海蘇好近水

生經冬不死咸洛二京亦有或名胡薄荷所在有之單服療女子小腹痛又云女子忽得小腹中痛月經初來便覺腰中切痛連脊間如刀錐所刺忍不可堪者衆醫不別謂是鬼疰妄服諸藥終無所益其疾輕增審察前狀相當卽用此藥其藥夏五月正放花時卽採取暴乾搗篩爲散女子有患前件病者取二方寸匕和好醋二小合攪令勻平旦空腹頓服之每白一服以知爲度如女子先冷者卽取前件藥五兩加桃仁二百枚去尖皮熬搗爲散以蜜爲丸如梧子大

每日空腹以飲及酒下三十丸日再服以疾愈爲度

忌麻子蕎麥

本草圖經

謹按積雪草亦名連錢草故易相混治女子小腹痛之連錢草乃非積雪之連錢也

按蘇恭注薄荷云一種蔓生功用相似蘇頌圖經云胡薄荷與薄荷相類但味少甘生江浙間彼人多以作茶飲俗呼爲新羅薄荷天寶方所用連錢草是也據二說則積雪草卽胡薄荷乃薄荷之蔓生者爾又曜仙庚辛玉冊云地錢陰草也生荆楚江淮閩浙間

多在官院寺廟磚砌間葉圓似錢引蔓搏地香如細辛不見開花也

明李東壁
本草綱目

積雪草

一名地錢草

嘉祐補
註本草

一名連錢草

同上

俗名紫浮忽索

積雪草

積雪草陶隱居云方藥亦不用想此草當寒冷爾唐本注云此草葉圓如錢大莖細勁蔓延生溪澗側擣傳熱腫丹毒不入藥用荆楚人以葉如錢謂爲地錢草徐儀藥圖名連錢草生處亦稀嘉祐補
注本草

積雪草生荊州川谷今處處有之葉圓如錢大莖細而勁蔓延生溪澗之側荆楚人以葉如錢謂爲地錢草徐儀藥圖名連錢草八月九月採苗葉陰乾用段成式酉陽雜俎云地錢葉圓莖細有蔓一日積雪草

一曰連錢草謹按天寶單行方云連錢草味甘平無
毒元生咸陽下溼地亦生臨淄郡濟陽郡池澤中甚
香俗間或云圓葉似薄荷江東吳越丹陽郡極多彼
人常充生菜食之河北柳城郡盡呼爲海蘇好近水
生經冬不死咸洛二京亦有或名胡薄荷所在有之

單服療女子小腹痛本草圖經

謹按積雪草與連錢草不同併爲一種誤也積雪
草亦有連錢草之名故諸家多混矣

積雪草今南方多有生陰溼地不必荆楚形如水荇

而小面亦光潔微尖爲異今人謂之連錢草蓋取象
也葉葉各生擣爛貼一切熱毒癰疽等秋後收之陰
乾爲末水調傳宋寇宗奭本草衍義

薄荷一種葉圓小如錢稱金錢薄荷兒科多用之一
種葉微小耐霜雪至冬葉純紫生江南山石間一種
胡薄荷形狀無異但味小甜多生江浙明倪朱謨本草彙言

地錢葉圓莖細有蔓生溪澗邊一曰積雪草亦曰連
錢草唐段成式酉陽雜俎

積雪草一名地錢草一名連錢草丹陽多重修鎮江府志

積雪草葉圓如錢莖細而勁

江陰縣志

胡薄荷本名積雪草其性寒涼可知俗呼地錢草葉圓如錢葉葉各生莖細而勁蔓生于溪澗陰處及寺院廟磚砌間生擣敷熱腫丹毒及煎洗風癩疥癬蓋亦非無用之物也

清顧元交本草彙纂

雀舌草

俗名挨密那眉山城

雀舌草

雀舌草以形似稱初生時采熟食明王鴻漸

草屬

翦刀股

一

翦刀股

翦刀股

翦刀股生田野中處處有之。掘地作科苗葉似嫩苦
苣菜而細小。色頗似藍亦有白汁莖又稍間開淡黃
花葉味苦。救飢採苗葉燂熟水浸淘去苦味。油鹽調
食。明徐光啓農政全書。

菴耳

一名苓耳

爾雅

一名施

廣雅

一名常

泉上同

一名胡

鳥

一名苓耳

爾雅

一名施

廣雅

一名常

泉上同

一名胡

鳥

一名白胡

荳上同

一名爵耳

爾雅

一名禮

爾雅

一名常思

菜上同

一名常思

菜

翼

一名常思

菜

雅

一名常思

菜

雅

俗名捏哥那密密

備前州

卷耳

卷耳、苓耳

爾雅○
卷音捲

廣雅云、泉耳也、亦曰胡泉、江東呼爲常泉、或曰苓耳、形似鼠耳、叢生如盤

晉郭璞
爾雅註

卷耳、一名苓耳、郭云、廣雅云、泉耳也、亦云、胡泉、江東呼爲常泉、或曰、苓耳、形似鼠耳、叢生如盤、詩周南云、采采卷耳、陸璣疏云、葉青白色似胡荽、白華細莖蔓生可煮、爲茹滑而少味、四月中生子、如婦人耳、璫幽州謂之爵耳、是也

宋邪昺
爾雅疏

菴音捲舊說蒼耳非也此卽卷菜葉如錢細蔓被地

宋鄭夾漈爾雅註

謹按菴耳葉形似鼠耳細莖白花叢生如盤與蒼耳全別也鄭夾漈說是也謂葉如錢者似欠詳審

卷耳一名枲耳一名胡枲一名苓耳葉青白色似胡荽白莖細莖蔓生可鬻爲茹滑而少味四月中生子

唐陸璣毛詩草

如婦人耳中璫今或謂之耳璫草鄭康成謂是白胡荽幽州人呼爵耳

木鳥獸蟲魚疏

卷耳枲耳葉如鼠耳叢生如盤

宋朱文公詩經集傳

爾雅曰卷耳苓耳廣雅曰卽枲耳也幽州人謂之爵耳或曰形似鼠耳故有耳之號也或曰白莖細莖子如婦人耳璫故名云荆楚記曰卷耳一名璫草亦云蒼耳叢生如盤今人以葉覆麥作黃衣者所在有之

宋陸佃埤雅

卷耳菜名也幽冀謂之禮菜雒下謂之胡枲江東呼爲常枲葉青白色似胡荽白莖細莖可鬻爲茹滑而少味又謂之常思菜儉人皆食之又以其葉覆麪作黃衣崔寔四民月令曰伏後二十日爲麪至七月七

日乾之覆以胡枲故古人采之

宋羅願爾雅翼

其實如鼠耳而蒼色上多刺好著入衣今人通謂之
蒼耳其一名蒼離騷以譬小人所謂贊菉蒼以盈室
是也一名羊負來博物志曰洛中有人入蜀胡枲著
柔毛蜀人種之曰羊負來也陶隱居乃云昔中國無
此言從外國逐年毛中來據此物既稱胡枲必是胡
物但國風爾雅所載則其來已久而羊負來之名僅
出後代則此名恐言自洛入蜀者得之亦卷耳野中
所多日夕羊下多負以歸耳

同上

謹按卷耳一名胡枲而羊負來亦名胡枲所以諸
家多誤而不分也卷耳葉形如鼠耳叢生如盤可
採爲菜羊負來其實如鼠耳而蒼色上有刺葉大
似茄葉故以其葉覆麴作黃衣一物通有胡枲之
名而其物大不同也

莫耳曰苓耳曰羊負來曰唱起草曰白胡荽江東曰
常莫幽州曰爵耳爾雅卷耳苓耳舊說卽蒼耳也其
實似鼠耳而有澀刺易黏入衣中原本無此草因羊
自蜀來其實帶毛而至故有羊負來之名然詩云采

采卷耳以其可茹也卽今卷菜葉如連錢者是也蓋

蒼耳但堪入藥不可食

宋鄭夾漈昆蟲草木畧

卷耳宿莽也一名枲耳一名常思一名蕒草一名必
栗香葉如鼠耳叢生如盤性甚奈拔其心不死可以

毒魚擣碎置上流魚悉暴鰓入書笥中白魚不能損

書如明王鑑臣二

謹按卷耳非宿莽此說誤也

蕡耳卽莧耳非資菉施也○舊以卷耳爲蒼耳因爾雅以爲苓耳而郭璞以爲莧耳亦云胡枲仲恪故引

耳中璫一名爵耳漁仲云卽今卷菜如連錢者若蒼耳但堪入藥或詩所采別是一草如芝柏地耳之類羅願云卽禮菜實如鼠耳多刺著人衣一名施卽離騷之資菉施一名羊負來智按施乃卷施草拔心不死者也蒼頡篇蕡耳卽莧耳說文卷耳也

明方以智通雅

按古釋卷耳者皆以爲卽蒼耳惟鄭夾漈云詩云采采卷耳以其可茹也卽今卷菜如連錢者是若蒼耳但堪入藥不可食予謂陶隱居旣云僉人所食何謂但堪入藥乎其以卷菜爲卷耳又未知何據也

明馮嗣宗

庶物類纂草屬卷之四十六目次

半邊蓮

夜光草

紫花地丁

匙頭菜

碎米莽

紫花兒

酸梅草

赤孫施

牛邊蓮

一名急解索本草綱目一名半枝蓮致富奇書

俗名革賴忽索備前州

半邊蓮

牛邊蓮小草也。生陰溼塹，塹邊就地細梗引蔓，節節而生細葉，秋開小花，淡紅紫色，止有半邊如蓮花狀，故名。又呼急解索。明李東璧本草綱目

牛邊蓮草最小，苗高一二寸，葉闊三分許，長不及三分，五六月間開細白花，花偏一邊，無有圓者。邵武人擣爛調水以愈癩。閩書

牛邊蓮草此草之最小者也。苗高一二寸，葉闊三分許，長不及三分，五六月間開細白花，花偏一邊，無有

圓者故以名土人患痢疾往往取擣爛調水服謂其有效

邵武府志

半枝蓮小草也生陰溼塹壑邊就地引蔓生細葉秋開小花淡紅紫色止有半邊如蓮花狀故名又名急解索

清石巖逸叟增富奇書

治土虺蛇傷又名禿虺蛇用半邊蓮搗汁飲之將查敷患處愈其蓮生在水中只有半邊花者是明徐階方

治毒蛇咬方用半枝蓮取汁冲酒服渣敷患處自愈

清王彭太上感應篇解証集

夜光草

一名地朕嘉祐補註本草一名承夜同上一名地錦同上

一名地櫟同上一名小蟲兒臥單救荒本草一名鐵線草同上

一名血見愁本草綱目一名血風草同上

一名馬燈草同上一名雀兒臥草同上一名漿瓣草

一名胡孫頭草百一方一名草血竭同上一名

紅燈籠花衆妙仙方一名野紅燈籠花諸方便

夜光草

地錦草味辛無毒主通流血脉亦可用治氣生近道
田野出滁州者尤良莖葉細弱蔓延于地莖赤葉青
紫色夏中茂盛六月開紅花結細實取苗子用之絡
石注有地錦是藤蔓之類雖與此名同而其類全別

新定○嘉祐
補注本草

地錦草生滁州及近道田野中味辛無毒主通流血
脉亦治氣其苗葉細弱作蔓遍地莖赤葉青赤中夏
茂盛六月開紅花細實今醫家取苗子用之本經絡

石條注中有地錦與此同名而別是一類也。本草圖經

地錦田野寺院及階砌間皆有之小草也就地而生。

赤莖黃花黑實狀如蒺藜之朵斷莖有汁方士秋月

采煮雌雄丹砂硫黃明李東壁

本草綱目

治金瘡胡孫頭草黃花子如蒺藜骨錄者村人謂之草血竭以其能止血故也用其子爛研或爛嚼傅傷

處血立止宋王鏐百一選方

治積年血崩一服而愈右以草血竭嫩者蒸油鹽薑淹喫小酒嚥下或收爲末薑酒調服血竭草生於磚

宋王鏐百一選方

縫井頭少在地元危亦林世醫得効方

治血痢用地錦草不以多少曬乾碾爲細末每服二錢空心米飲調下明方廣丹溪

心法附錄

小蟲兒臥單一名鐵線草生田野中苗搗地生葉似星蕩葉而極小又似雞眼草葉亦小其莖色紅開小紅花苗味甜救飢採苗葉燂熟水浸淘淨油鹽調食明徐光啓農政全書

治刀箭及跌傷用血見愁草卽紅燈籠花又用石榴嫩枝并陳石灰韭菜擣成餅敷患處妙明馮時可衆妙仙方

血見愁卽草血竭上同
治刀傷及跌傷用血見愁草卽野紅燈籠花明徐涉

方

紫花地丁

一名齧

爾雅

一名苦董

同上

一名董葵

郭璞爾雅註

名董董菜

救荒本草

一名箭頭草

本草綱目

一名獨行

虎同上

一名羊角子

同上

一名米布袋

同上

一名紫

花鹿蹏草

證治準繩

一名帝丁

河朔大成

一名金芥菜

物理小識

俗名思密禮

山城州

又名思貌禿立白柰

同上

又

名已也烏那胡埋筑前州又名哥埋肥已忽索
又名革已肥已筑後州陸奥又名革已白柰伊豫

岐州讀

岐州

紫花地丁

齧苦董

爾雅

晉郭璞

爾雅註

今董葵也葉似柳子如米沟食之滑晉郭璞
齧一名苦董可食之菜也郭云今董葵也葉似柳子
如米沟食之滑者本草唐本注云此菜野生非人所
種俗謂之董菜葉似蕺花紫色者內則云董萱粉榆
是也本草云味甘此云苦者古人語倒猶甘草謂之
大苦也

宋本禹

爾雅疏

卽董葵也葉似柳子如米沟食之滑

宋鄭夾漈

爾雅註

董汁、唐本注云此菜野生非人所種俗謂之董菜葉似蕷花紫色

唐本
先附

臣禹錫等謹按爾雅云齧苦董注

今董葵也葉似柳子如米汎食之滑疏云齧一名苦董可食之菜也內則云董萱粉榆是也本草云味甘

此云苦者古人語倒猶甘草謂之大苦也孟詭云董久食除心煩熱令人身重懈墮又令人多睡只可一兩頓而已又擣傅熱腫良又殺鬼毒生取汁半升服

卽吐出

嘉祐補
註本草

董此旱芥也其性滑利故洪舜俞賦云烈有椒桂滑

有董榆二種黃花者有毒殺人卽毛芥也見草部毛茛又烏頭苗亦名董有毒各見本條下

本草
綱目

謹按董卽紫花地丁也本草綱目菜部收董隰草部載紫花地丁分爲二謬也

紫花地丁處處有之其葉似柳而微細夏開紫花結角平地生者起莖溝壑邊生者起蔓普濟方云鄉村籬落生者夏秋開小白花如鈴兒倒垂葉微似木香花之葉此與紫花者相戾恐別一種也

明李東壁
本草綱目

董董菜一名箭頭草生田野中苗初揚地生葉似鉏

箭頭樣而葉蒂甚長其後葉間擗亭開紫花結三瓣
蒴兒中有子如芥子大茶褐色味甘救飢採苗葉燥

熟水浸淘淨油鹽調食

明徐光啓農政全書

治病今人傳說根葉擗傳諸腫毒

同上

孔氏謂董卽烏頭且引晉語驪姬寘鳩於酒寘董於肉以爲證蓋以此董爲爾雅芟董之董也

芟音及

說者

皆祖之若爲驪姬寘肉之董則與鳩毒同類與茶菜可食之物非其類矣且詩人稱周原之美當言宜稼

宜蔬不應言其宜毒物也茶雖苦得霜而甜脆故可

言如鈇烏頭毒物不可食何由知其如鈇乎賈山言江臯河濱雖有惡種無不很大地之美者能使物無美惡皆很大耳安能變毒物而爲美物毛氏以董爲藥不言毒物釋文言董悉食之甘知爲內則及公食禮董苴之董非爾雅芟董之董也

宋嚴粲詩緝

地丁卽大薊也一云翦力草開黃花者名黃花地丁

明王守貞治準繩

開紫花者名紫花地丁

同上

紫花地丁麥熟時有之開紫花質甚脆如蒲公英狀

但蒲公英開黃花地丁開紫花

同上

帝丁紫花地丁

明龔信胄
齊大成

紫花地丁本草一名箭頭草一名獨行虎一名羊角子處處有之似柳而微細夏開紫花結角平地生者

起莖溝壑邊生者延蔓治疽瘍用之

肇慶府志

紫花地丁出香爐峯治療瘡甚効

紹興府志

紫花地丁俗名米布袋

重修鎮江府志

紫花地丁一名箭頭草治癰疽一切諸毒

重修靖江縣志

箭頭草卽金芥菜葉形三角簪尖有齒如圓莖傍半

半有三稜四月開紫花冬枯乾未之四兩合山豆根兩半乳香沒藥五錢兒茶三錢水敷癰腫最神

清毓桐方

氏物理小識

紫花地丁

一切癰腫發背丁瘡腫毒用紫花

一名箭

頭草一名獨行虎處處有之葉似柳而微細夏開紫花結角平地生者起莖溝壑邊生者起蔓又一種夏秋開小白花如鈴兒倒垂微似木香花之葉者此與紫花者相戾紫花治無名諸腫

清石巖送叟增定致富奇書

紫花地丁一名獨行虎隨在有之葉青而肥根直如

釘仲夏開紫色花，結細角，平地生者起莖，可以不扶。
溝壑邊生者起蔓，必待竿扶，又一種白花者，不入藥。

用清陳淏子

秘傳花鏡

匙頭菜

匙頭菜

紫花地丁處處有之。其葉似柳而微細。夏開紫花，結角。平地生者起莖，溝壑邊生者起蔓。普濟方云：鄉村籬落生者，夏秋開小白花，如鈴兒倒垂。葉微似木香花之葉。此與紫花者相戾，恐別一種也。

明李東壁本草綱目

匙頭菜生密縣山野中。作小科苗。其莖面寬背圓。葉似圓匙頭樣。有如杏葉大。邊微鋸齒。開淡紅花，結子。黃褐色。其葉味甜，救飢。採葉，焯熟水浸淘淨，油鹽調食。

明徐光啓農政全書

碎米齊

一名地丁

本草
原始

一名紫花地丁

上同

俗名計摩傑白柰

碎米薺

碎米薺碎米薺如布穀想爲民飢天雨粟官倉一月
一開放造物生生無盡藏救飢三月采止可作糲

磐野

姚可成

碎米薺食葉二月采止可作糲

明

姚可成
救荒野譜

地丁始生山南巖石及高岡上今處處有之苗覆地
春生葉青小花開有紫白二種根直如釘入藥宜用
紫花者故俗每呼爲紫花地丁

明李中立
本草原始

紫花兒

俗名革埋紫客柰山城又名貌地拔折同上

紫花兒

紫花兒遍地叢生花紫可愛柔枝嫩葉摘可作蔬春

時子種明高濂遵
生八牋

謹按花史左編同

酸梅草

一名酢漿草唐本草 一名醋母草同上 一名鳩酸草同上 一名小酸茅嘉祐補註本草 一名酸漿本草圖經 一名三葉酸本草綱目 一名三角酸同上 一名酸母同上 一名酸箕同上 一名雀兒酸同上 一名雀林草同上 一名酸草百一方 一名醋啾啾同上 一名田字草同上 一名布穀飯證治準繩 一名鳩漿草同上 一名三葉酸漿草同上 一名孫施通志略 一名鹹酸草肇慶府志 一名鷓鴣飯證治大還

俗名秃莫復烏忽索加賀州又名思異貌那忽索山城州又名革革密忽索讚岐州又名哥革捏忽索筑後州又名思思迷那白革埋陸奥州

酸梅草

酢漿草唐本注云葉如細萍叢生莖頭有三葉一名酢母草一名鳩酸草今按別本注云生陰溼處俗爲小酸茅食之解渴四月五月採陰乾唐本臣禹錫等謹按蜀本圖經云葉似水萍兩葉並大葉同枝端黃色實黑生下溼地夏採葉用之嘉祐補注本草

酢漿草俗呼爲酸漿舊不載所出州土云生道傍今南中下溼地及人家園圃中多有之北地亦或有生者葉如水萍叢生莖端有三葉葉間生細黃花實黑

夏月採葉用初生嫩時小兒多食之南人用揩^ス鎰石

器令^ラ白^キ如^キ銀^{本草}圖經

酢漿草此小草三葉酸也其味如醋與燈籠草之酸
漿名同物異唐慎微本草以此草之方收入彼下誤
矣閩人鄭樵通志言福州人謂之孫施則蘇頌圖經亦
孫施生福州葉如浮萍者卽此也孫施亦酸蕡之訛
耳今併爲一本明李東壁

酢漿草苗高二三寸叢生布地極易繁衍一枝三葉
一葉兩片至晚自合帖整整如一四月開小黃花結

小角長一二分內有細子冬亦不凋方士采制砂汞
礬石同上

蘇氏曰酸漿草生南中道旁陰溼地及人家園圃中
多有之北地亦有苗高一二寸叢生布地極易繁衍
葉如浮萍一枝三葉一葉兩片至晚自合帖服如一
四月開小黃花結小莢長一二分內有細子冬亦不
凋初生嫩苗小兒喜食用揩鎰石銅器白亮如銀明
朱謨本草彙言

三葉酸一名酸漿草一名三角酸一名雀兒酸一名

朱謨本草彙言

無物類纂

卷四十六

草屬 酸梅草

三

酸啾啾一名酸母一名酸糞一名鳩酸一名小酸茅
一名雀林草一名赤孫施苗高一二寸極易繁衍叢
生道旁陰溼處一莖三葉如浮萍兩片至晚自合帖
如一四月開小黃花結小角長一二分中有黑實至
冬不凋嫩時小兒喜食用揩鎰石器白如銀食之解
熱渴擣傅治惡瘡瘍瘻及湯火傷蛇虺蟻傷煎湯洗
痔痛脫肛甚効明王蘆臣二
如亭羣芳譜

酸漿草本草名酢漿草一名醋母草一名鳩酸草俗
爲小酸茅舊不著所出州土今處處有之生道傍下

溼地葉如初生小水萍每莖端皆叢生三葉開黃花
結黑子南人用苗揩鎰音偷石器令白如銀色光艷味
酸性寒無毒救飢採嫩苗葉生食明徐光啓
農政全書

酢漿草曰醋母草曰鳩酸草曰小酸茅南人曰孫施

去銅鎰垢宋鄭夾漈昆
蟲草木略

治血淋孫盈仲傳以酸草煎五苓散酸草俗名醋啾
啾爐火家謂之田字草宋王璆百
一選方

千金方治婦人赤白帶下三葉酸漿草陰乾爲末空
心溫酒下三錢也按三葉酸漿草葉細如萍叢生莖

端有三葉俗又名布穀飯布穀者鳩也蓋鳩常食之故又名鳩漿草衍義悞入苦乾條卽曰三葉酸漿草豈苦乾卽酸漿歟苦乾有子大如金柑味酸可食故草布地而生葉皆三瓣惟開黃花其莖葉皆酸者○明王守仁證治準繩

治疾症方酸梅草不拘多少陰乾爲末遇患用醋調將筆塗舌根痰涎流出又塗又流三四次愈明羅浮山人集

驗方

酸漿卽燈籠草生陰溼地最易繁衍一枝三葉每葉兩片至晚自合初生嫩可食味酸如醋故名醋母俗

呼鹹酸葉其實不鹹也四月開黃花結角冬亦不凋
肇慶府志

謹按醋母燈籠草並有酸漿之名故誤混爲一也白濁方香附炒黑色酸梅草取汁拌勻溫酒一盞傾入服之二三服愈酸梅草又名鷓鴣飯○清陳三農證治大還靈苑方治卒患諸淋遺溺不止小便赤澀疼痛三葉酸漿草取嫩者搗汁一合攪勻空心服之立通酸漿草卽布穀飯○同上

赤孫施

一名歲寒漿

八閩通志

一名酸漿

上同

一名鳩酸

書閩

一名雀兒酸

同上

一名鹹酸草

同上

一名赤梗酸

枳草證治類方

赤孫施

赤孫施生福州葉如浮萍草治婦人血結不通。四時常有採無時每用一手搗淨洗細研。煖酒調服之。本草圖經

洗翳散治癧眼及眼胞赤腫。腎膜遮睛。赤梗酸枕草。擣爛沸湯泡。瀝清洗眼。神効。明王宵證治類方

赤孫施葉如浮萍草治婦人血結不通。四時常有採無時。三山志云一名歲寒漿一名酸漿。八閩通志

赤孫施葉如浮萍離騷云資慕施。福州府志

赤孫施亦名酸漿亦名鳩酸雀兒酸生福州葉如浮萍草治婦人血結泉人謂鹹酸草

閩書

